

Joseph Achek



Jengkuan-  
Taju Remaung

Borneo Literature Bureau

# JENGKUAN- TAJU REMAUNG

Ditulis

**Joseph Achek**


*Gambar digaga*

**Augustine Anggat Ganjing**



**BORNEO LITERATURE BUREAU**

© BORNEO LITERATURE BUREAU, 1976  
(Dipegai Perintah Sarawak enggau Sabah)  
P. O. Box 1390,  
Jalan Tun Haji Openg,  
Kuching, Sarawak, Ma'aysia.



**1. JENGKUAN**

Taju	..	..	..	..	..	..	1
Tuai Rumah Padang	..	..	..	..	..	..	10
Nanga Rimbas	..	..	..	..	..	..	13
Talap Di Nanga Pasa	..	..	..	..	..	..	14
Bala Padang Di Rimbas	..	..	..	..	..	..	15
Pechaj Buah Rumah	..	..	..	..	..	..	15
Gunggu Bebin	..	..	..	..	..	..	17
Pemarai Padang	..	..	..	..	..	..	18
Gawai Rumah Jarup	..	..	..	..	..	..	21
Indu Dara Dua Iko	..	..	..	..	..	..	24
Bega	..	..	..	..	..	..	25
Unggang	..	..	..	..	..	..	25

**11. JERITA MENOA BATANG BANGKIT**

Nyawai Seduai Temegeh	..	..	..	..	..	..	30
Nanggar Ngaga Apit	..	..	..	..	..	..	31
Megong Bensumbar 'Gerijih Ai Marang'	..	..	..	..	..	..	34
Laya Sana Seduai Senabong	..	..	..	..	..	..	36
Sana Ngerampas Bebendai Senabong	..	..	..	..	..	..	37
Kelam Ai	..	..	..	..	..	..	39
Senabong Rari Ari Bangkit	..	..	..	..	..	..	41
Ngambi Senabong Pulai	..	..	..	..	..	..	42
Senabong Ngayau Ari Sungai Pinang Mirah	..	..	..	..	..	..	42
Senabong Pindah Ka Paloh	..	..	..	..	..	..	43
Kayau Sana	..	..	..	..	..	..	44
Gerijih Pulai Ari Paku	..	..	..	..	..	..	44
Gerijih Ngayau Senabong	..	..	..	..	..	..	45
Indai Ukap Nyabak Ka Senabong	..	..	..	..	..	..	46
Uja Ngayau Ka Bangkit	..	..	..	..	..	..	48
Pengachau Betumboh Baru	..	..	..	..	..	..	49
Ngenselan Tanah Pekasi	..	..	..	..	..	..	50
Pendam Batang Bangkit	..	..	..	..	..	..	51

## JAKO SABI

Nyadi samoia jerita ke ditulis ka dalam bup tu sigi penemu Penulis empu. Nya alai enti iya bisa betelisih bisa besibil ari penemu kitai bukai, kitai maioh tu, nya ukai datai ari ati iya ke nulis tang laban pengingat tau enda sabaka. Nya alai enti iya bisa nyima ba ati kita, kami sabulih-bulih minta ampun. Dudi hari ila kitai tau berurus iya baru.

Tang enti jerita menoia kitai enda ditulis nya jauh agi salah, laban iya tau lesap ngapa.

EDWARD ENGGU,  
Pengarah,  
Biro Kesusasteraan Borneo.

## 1. JENGKUAN

NYADI DULU kalia bisi tuai siko, ke diau di Sungai Sebarupati Batang Empanang ba menoa kena pegai Indonesia kemaia hari tu. Nama tuai nya Padang. Iya tau dikumbai ban'sa Sebaru ke bejako dulu ujung laban iya diau ba Sungai Sebaru, tang sida bansa kitai Iban. Iya nyadi tuai rumah ngintu menoa, tanah enggau indu anembiak di menoa nya. Sida iya berumah panjai baka kitai Iban hari tu. Enda ga kitai nemu penyampau pintu rumah sida, tang dikumbai orang ke tuai panjai bendar.

Orang ke diau di rumah panjai nya balat pengeragak enggau pengerami. Sida sama rindu ngereja pengawa kin-kitu, kulu-kili, baka ngasu beburu, mansai nubai. Sida suah begawai, Gawai Batu, Gawai Burong, Gawai Tajau, Gawai Antu sereta enggau Gawai Nikah. Sida lantang bendar ngiga pemakai laban ikan, jelu enggau burong agi maioh. Baka nya mega maia bumai, sida bulih padi. Ngereja pengawa bukai pan bisi gá sida, baka dukun, enggau manang enggau lemambang. Orang ke berani pan maioh bendar ba rumah nya.

Orang ke indu ba rumah nya maioh pandai gawa, pandai nakar tau gaar, tau ngembun tau narum. Sida enda iboh nginjau orang ari rumah bukai ngereja pengawa ka sida. Orang sarumah nya maioh raja bisi u'un nyangkong sida enggau asi enggau aî, enggau

paku-tubu. Nya alai maioh bendar anak dara sida diumbong. Sida maioh bujang enggau dara ke sama sarebak umor.

Nyadi rambau nya bisa lelaki siko. Nama iya Jengkuuan. Iya bebini indu sida sama sarumah nya. Nyau kelama seduai udah begulai sejalai dia bini Jengkuuan lalu betuboh bisa. Iya nyera, tetengok ka macham utai, baka buah masam, buah manis. Lebih maia nya ukai maia buah raya. Samoa puchok buah nadai bebuah. Tang deh bini Jengkuuan balat bendar tetengok deka makai buah pingan. Nya alai iya lalu ngumbok Jengkuuan, mai iya ngiga buah pingan. Jengkuuan pan sinu ga ati ninga bini iya nyera tetengok ka buah pingan. Iya lalu begari deka ngulu ka bini iya ngiga buah pingan. Tak nurun ngapa meh seduai, laban maia nya endang ukai musin buah raya. Seduai pan lalu bejalai niti jalai raya, niti jalai dandang umai sida sarumah nya. Nyau abis dandang umai dititi nya baru lalu masok babas. Bejalai meh seduai sapagi-pagi nengah tatai semanjai tatai, nengah tinting semanjai tinting. Abis bukit sigi, ngagai bukit sigi tang nadai ga seduai nemu pingan bisi bebuah. Nyau kelama udah bejalai, nya baru tetemu ka pun pingan sakayu besai bendar.

"Ah", ko seduai, "besai bendar batang pingan tu. Kada enda bisa buah ba puchok din."

Seduai pan sama malik katas merening puchok pingan. Nyau kelama seduai udah engkadah ka atas, nya baru bini Jengkuuan bisa meda buah pingan, nadai utai mesai-mesai nya, tang ka sigi-igi. Tak lensor pun tampok laban pemansau iya. Nya ga pemalat bau iya, ngenjing mealu-alu bau rengut. Tak lalu nyerarat meh bini Jengkuuan ngangau ka laki iya madah ka diri bisa meda buah pingan sigi di puchok din.

"Oh Jengkuuan! Nyin buah pingan mansau, besai bendar sigi-igi di puchok din. Nyin iya ba dan ke tunga ka ulu," ko bini ngangau ka Jengkuuan, ke lalu ngagai bini iya. Seduai sama bisa meda buah pingan nya.

Bini Jengkuuan tak ngenjing ngingkak nempap ka jari, ngentak ka kaki, laban gaga meda buah pingan. Iya lalu ngasoh Jengkuuan niki,


enda tau laun, laban iya beguai deka makai buah nya. Jengkuuan endang orang landik niki. Tak lalu ditunjan iya batang pingan, enda sakejap mata alai manggai ba pun dan, lalu datai ba dan ke bisi buah. Tak lalu dipungga Jengkuuan pun dan nya, nyarau buah. Udah laboh buah pingan, dia Jengkuuan lalu ngangau ka bini iya ngasoh ngumpol buah. Malik iya kabaroh, meda bini iya nadai agi dia. Dikangau ka iya, nadai ga nyaut. Iya lalu nurun ari puchok pingan. Datai di tanah, iya lalu ngangau ka bini iya, nadai ga nyaut. Iya lalu meda darah bini iya balat bendar. Bekau darah nya seruran teritik berari-ari. Jengkuuan seruran nyidi bekau darah. Nyau kelama iya lalu tepantup ba lubang batu. Peda iya darah lalu masok lubang batu. Iya lalu tama lubang batu. Darah iya mengkang teritik berari dipeda iya. Udah nya iya tak lalu pansut, rembus ba lubang batu nya sapiak nyin.

Iya lalu nemu arong jalai raya baka ti ditengah iya sepiak tu dulu tadi. Iya lalu nyidi bekau darah nya berari-ari. Nyau kelama iya udah bejalai, iya lalu ninga orang richah bendar. Nya munyi gendang, panjang enggau ketebong. Jengkuuan lalu ngetu. "Nama meh menoia tu ditu?" pia ko ati iya. "Orang tu ditu tak rami bendar munyi ke begawai."

Iya ninga nyawa setawak, nyawa dedumbak. Ngenjing terangkat munyi gendang orang di rumah nya didinga iya. Iya lalu bejako kadiri berandau nengali. "Sapa meh orang empu rumah tu ditu?" pia ko ati iya. "Tauka iya rumah antu, rumah jelu pan aku tiki meh," ko ati iya.

Angkat iya ari nya lalu datai ba karangan batu pirak, ngenjing keranggak kapar tulang. Malik iya ka ili meda karangan rangki tabor buri kerubong kerang. Iya lalu mansang ka rumah niti jalai pendai orang nya. Datai ba tengah laman, peda iya tak suyamsuyam lekuyang takang isang.

Iya lalu niki ka rumah. Datai di rumah, peda iya mensia enda anchi pemaioh. Nya baka orang ke nyangkah ngenjing seliboh kin-kitu begulang galu niti rumah. Jengkuuan lalu bejalai belubah-



lubah niti tempuan. Mensia maioh dalam rumah nya tak nadai iboh ka iya, nadai malik, nadai nanya iya. Iya seruran nyingkang bejalai gadai-gadai niti tempuan. Iya pan datai ba tengah rumah, dia iya lalu besatup enggau indu dara siko pansut ari bilik. Nadai utai ngemajik nya gamal indu nya benong dara. Iya ga chukop enggau ngepan enggau pekayan. Nyadi nama indu nya Basi Penegi Lambor Manjah, kedua bali nama iya Kumang Ampang Penimbah, ko iya madah ka diri. Basi lalu nanya Jengkuhan.

"Lalu meh Jengkuhan. Nuan anang dudok di ruai. Ditu lalu enggau aku ka bilik." Jengkuhan lalu nitih ka Basi ka bilik. Datai di bilik, dia Basi lalu dudok enggau Jengkuhan, lalu bejako, ko iya.

"Kami ditu, Jengkuhan,,bisi pengawa, begawai saharitu, begawai ka pala bini nuan udah ulih aka aku. Menyadi' kami siko nya kelalu jai, deka bendar munoh orang. Nya alai aku nemu kabuah nuan datai kitu, tentu nuan ngiga bini nuan," pia ko Basi bejako enggau Jengkuhan.

Iya lalu diberi Basi makai, tang iya enda tentu masok makai, laban iya sinu ka bini iya. Tambah agi meda dagin jelu tak mata, ikan mata, tekuyong mata, samoa pemakai tak mata magang. Nyadi pengawa orang ke di ruai nyau bebatak katanju. Jengkuhan lalu dibai orang pansut katanju. Datai di tanju, dia iya meda orang maioh bendar, tang tak nadai dikelala iya orang bukai, semina Basi, laban udah madah ka diri dulu tadi. Nyadi nama aka Basi nya, munyi tu: Bujang Abang Rengia, Ulop Achan Jegera.

Dia deh Jengkuhan meda pala bini iya diengkah orang ba chapan lalu di-imbai ka orang ba semak pun sabang. Dia orang menjadi ka api, alai orang nunu bunga, nunu garam. Udah nya orang lalu berengkah berayah. Nya alai samoa sida ke patut berayah lalu berayah magang-magang ngelingi pun sabang di tanju. Lebih agi ga baka Bujang Abang Rengia Ulop Achan Jegera laban iya ke tuai gawai sida, bebendar agi ga iya berayah.

Udah nya Bujang Abang Rengia lalu mai Jengkuhan sama berayah enggau iya. Jengkuhan pan deka ga berayah, enggai mantah jako

## **MAKLUMAT SELANJUTNYA BOLEH DIDAPATI DI:**

### **KOLEKSI BORNEO**

Pusat Dokumentasi Melayu Tun Hamdan Sheikh Tahir  
Dewan Bahasa dan Pustaka Cawangan Sarawak,  
Jalan Tun Datuk Patinggi Haji Abdul Rahman Yaakob,  
Petra Jaya,  
93050 Kuching, Sarawak.

Telefon: 082 – 227 000

Faksimile: 082 – 227 088

E-mel: [eborneo@dbp.gov.my](mailto:eborneo@dbp.gov.my)

**“Memelihara Warisan Memupuk Wawasan”**

